

25-23-241097- сонли

ГАРОВГА ҚЎЙИЛАЁТГАН АВТОТРАНСПОРТ ВОСИТАЛАРИНИ СУҒУРТА
ҚИЛИШ БОШ ШАРТНОМАСИ

Тошкент ш.

«30» июл 2024 йил

Ўзбекистон Республикаси Истиқболли лойиҳалар миллий агентлиги томонидан 2023 йил 26 сентябрда берилган 135840-сон лицензия асосида ҳаракат қиладиган, кейинги ўринларда «Суғурталовчи» деб аталадиган «SEMURG INSURANCE» АЖ номидан Низом асосида ҳаракат қилувчи Бош Директор Р.Қадилов бир томондан, ва кейинги ўринларда «Наф олувчи» деб номланувчи «DAVR BANK» ХАТБ, унинг номидан Низом асосида фаолият юритувчи Бошқарув Раиси А.А.Самадов иккинчи томондан, мазкур Гаровга қўйилаётган автотранспорт воситаларини суғурта қилиш бош шартномаси (кейинги ўринларда - Суғурта шартномаси) ни мазкур шартномани қўйидагилар тўғрисида туздилар:

I. ШАРТНОМАНИНГ ПРЕДМЕТИ.

Суғурталовчи, мазкур шартноманинг шартларига мувофиқ, шартномада белгиланган суғурта ҳодисаси юзага келганда 1-Иловада кўрсатилган Суғурта қилдирувчининг гаровга қўйилаётган автотранспорт воситасига (1-Илова) етказилган зарарни қоплашни зиммасига олади, Суғурта қилдирувчи эса мазкур Суғурта шартномасида кўзда тутилган тартибда ва муддатларда суғурта мукофотини (бадалини) тўлашни зиммасига олади.

II. АТАМАЛАР.

Суғурталовчи – Суғурта шартномасига мувофиқ суғурта товонини тўлаш мажбуриятини зиммасига олувчи юридик шахс – «SEMURG INSURANCE» АЖ.

Суғурта қилдирувчи (қарздор) – Суғурта шартномасига асосан ўз мулкий манфаатини ёки учинчи томоннинг манфаатини суғурталайдиган жисмоний ёки юридик шахс.

Наф олувчи – Суғурта қилдирувчи томонидан суғурта шартномаси бўйича суғурта тўловларини олиш учун белгиланган юридик шахс.

Суғурта шартномаси – ёзма келишувдан иборат бўлган юридик ҳужжат, унга мувофиқ Суғурталовчи суғурта ҳодисаси юзага келганда моддий зарарни қоплаш бўйича мажбуриятларни зиммасига олади, Суғурта қилдирувчи эса суғурта шартномасида белгиланган муддатларда суғурта мукофотларни (бадалларини) тўлаш мажбуриятини зиммасига олади. Суғурта шартномасида унинг амал қилиш муддати, шунингдек бошқа шартлар, келишувлар кўрсатилади.

Автотранспорт воситаси - суғурта шартномасида кўрсатилган автотранспорт воситаси.

Суғурта ҳодисаси – амалда юз берган, унинг салбий ёки бошқа турдаги белгилаб қўйилган оқибатларига боғлиқ ҳолда Суғурталовчининг суғурта товонини тўлаш мажбурияти юзага келадиган ҳодиса.

Суғурта суммаси – Суғурталовчи унинг доирасида суғурта шартномаси бўйича суғурта товонини тўлаш мажбуриятини зиммасига оладиган сумма бўлиб, унинг миқдори Суғурта қилдирувчининг Суғурталовчи билан келишуви орқали белгиланади.

Суғурта товони – Суғурталовчи томонидан Суғурта қилдирувчига Суғурта шартномасида кўзда тутилган суғурта ҳодисаси юзага келиши туфайли келиб чиққан зарарларни белгиланган тартибда қоплаш учун тўланадиган сумма.

Суғурта тарифи – суғурта мукофотининг суғурта суммасига нисбатан меъёрланган миқдори. Мутлақ пул кўринишида ёки суғурта суммасидан фоизларда аниқланади.

Суғурта мукофоти (бадали) – Суғурта қилдирувчи Суғурталовчига суғурта шартномасида белгиланган тартибда ва муддатларда тўлаши шарт бўлган суғурталаш учун тўлов.

Суғурта ҳодисаси тўғрисидаги далолатнома – Суғурталовчи томонидан унинг суғурта ҳодисаси юзага келганлигини эътироф этиши пайтида тузиладиган ва суғурта товонини тўлаш учун асос бўладиган ҳужжат.

Суғурта полиси - Суғурталовчининг мазкур шартнома бўйича мажбуриятлари кучга кириши ҳолатини тасдиқлайдиган, Суғурта қилдирувчига унинг суғурта мукофотини ёки унинг биринчи қисмини (бадалини) тўлашидан кейин бериладиган ҳужжат.

Шартсиз франшиза – Суғурта қилдирувчи зарарларининг маълум қисми бўлиб, уни қоплаб бериш бўйича Суғурталовчи жавобгар бўлмайди. Шартсиз франшизада Суғурталовчининг жавобгарлиги франшизанинг суммаси айирилган зарарнинг миқдори билан белгиланади.

Суғурталаш муддати – суғурта объекти суғурталанган вақт оралиғи.

Географик зона – Ўзбекистон Республикаси.

III. СУҒУРТА ҲОДИСАЛАРИ.

3.1. Суғурталовчи Суғурта қилдирувчига ёки Наф олувчига мазкур суғурта шартномасига биноан 1-иловада кўрсатилган кредит шартномаси асосида харид қилинган (суғурталанган) автотранспорт воситасига ер

ости сувларининг таъсир этиши, сел, яшин уриши, zilzila ва учар жисмларнинг тушиб кетиши натижасида етказилган зарарларни қоплаб беради.

IV. ИСТИСНОЛАР.

4.1. Агар ҳодиса қуйидагилар натижасида юз берса, у суғурта ҳодисаси ҳисобланмайди:

- мазкур суғурта шартномасининг 3.1. бандида кўрсатиб ўтилган таваккалчиликлардан ташқари ҳодиса содир бўлган бўлса;

- Суғурта қилдирувчининг ёки автотранспорт воситаси уларнинг тасарруфида бўлган бошқа шахсларнинг суғурта ҳодисасининг юзага келишига қаратилган қасдан қилган ҳаракатлари, уларнинг ўз фуқаролик бурчини бажариши ёхуд ўзининг ва учинчи шахсларнинг ҳаётини, соғлигини, шаъни ва қадр-қимматини ҳимоялаш билан боғлиқ ҳаракатлар бундан мустасно;

- исталган шаклдаги алкоғолли, гиёҳвандлик ёки токсик мастлиги ҳолатида ёки реакция тезлигини ва диққатини пасайтирувчи дори препаратларининг таъсирида бўлган Ҳайдовчининг автотранспорт воситаларини бошқариши, шунингдек агар суғурталанган автотранспорт воситасининг ҳайдовчиси ЙТХ жойидан кочиби яширинса ёки тиббий кўриқдан (мастлик ҳолатини аниқлаш бўйича экспертизадан) ўтишдан бош тортса;

- йўл-транспорт ҳодисаси (ЙТХ) натижасида шикастланиши;

- суғурталанган автотранспорт воситаси ёнғин натижасида шикастланиши;

- ҳайдовчининг оловдан ва портлашдан хавфли моддаларни ва буюмларни сақлаш ва ташиш қоидаларини бузиши;

- ҳайдовчининг темир йўлдан ўтишда йўл ҳаракати қоидадини бузиши, светофорнинг қизил сигналида (қизил чироқ ёнганда) ҳаракатланиши ва йўлнинг қарама-қарши ҳаракат йўл тасмасига чиқиши;

- йўлнинг ҳаракат қисмининг нотекислиги ёки ёмон ҳолати, ўткир буюмларни босиб ўтиши туфайли шиналарнинг шикастланиши, агар уларнинг шикастланиши автотранспорт воситасининг шикастланишига ёки нобуд бўлишига олиб келмаган бўлса;

- доимий таъсир этувчи фойдаланиш омилларининг таъсири (эскириш, эрозия, коррозия, қуйка ҳосил бўлиши ва ҳоказо), умуман автотранспорт воситаси, шу жумладан унинг айрим деталлари ва тармоқларининг аста-секин шикастланиши.

4.1.1. Қуйидагилар учун суғурта товони тўланмайди:

- ташқи омиллар сабаб бўлмаган ички бузилишлар учун;

- автотранспорт воситасига ўрнатилган ва унинг заводдаги бутланишига кирмайдиган қўшимча жиҳоз-ускуналарнинг ўғирланиши, нобуд бўлиши ёки шикастланиши учун, агар ушбу қўшимча жиҳоз-ускуналар суғурта шартномасининг жадвалида тегишли позиция бўйича махсус кўрсатилган бўлмаса;

- автотранспорт воситасининг ўғирланиши, унинг учинчи шахсларнинг ноқонуний ҳаракатлари оқибатида йўқ қилиниши ёки шикастланиши учун, агар ваколатли органларга ариза берилмаган бўлса, шунингдек агар ушбу ҳолат ваколатли органлар томонидан тасдиқланмаган бўлса;

- автотранспорт воситасининг шикастланиши оқибатида унинг товар кўриниши йўқотилишидан кўрилган зарарлар;

- Суғурта қилдирувчи Суғурталовчига шикастланган автотранспорт воситасини ёки унинг қолдиқларини тақдим этишдан бош тортган ҳолда, улар қолдиқсиз нобуд қилиниши мумкин бўлган ҳолатлар бундан мустасно;

- суғурталанган автотранспорт воситаси давлат органларининг қарорига кўра олиб қўйилиши, мусодара, реквизиция қилиниши, хатланиши ёки йўқ қилиниши оқибатида юз берган зарарлар;

- суғурталанган автотранспорт воситасини қаровсиз (эшикларни очиб қолдириш, калитни ўт олдиригич оғзида қолдириб кетиши) қолдириш оқибатида автотранспорт воситаси олиб қочилса.

4.2. Умумий истиснолар.

4.2.1. Суғурталовчи Суғурта қилдирувчига (Наф олувчига) суғурта товонини тўлашни рад этишга ҳақлидир, агар:

- суғурталанган автотранспорт воситаси Суғурталовчи билан ёзма келишувсиз лизингга, ижарага, прокатга ёки гаровга берилган бўлса;

- Суғурта қилдирувчи (Наф олувчи) мазкур шартномада кўзда тутилган мажбуриятларни бажармаган бўлса;

- амалдаги қонунчиликка мувофиқ суғурталанган автотранспорт воситасини бошқариш ҳуқуқи бўлмаган шахс суғурталанган автотранспорт воситасини бошқарган бўлса;

- ҳодиса тўғрисидаги аризада Суғурта қилдирувчи ёки унинг вакили зарарнинг сабаблари ва миқдори тўғрисида ёлғон маълумот кўрсатган бўлса, шунингдек, агар Суғурта қилдирувчи ёки унинг вакили ҳодисанинг ҳолатларини ёки зарарнинг миқдорини тасдиқлаш учун қалбакилаштирилган ҳужжатларни кўрсатса;

- Суғурта қилдирувчи ёки унинг вакили зарарнинг сабаблари ва миқдорини аниқлаш учун керакли ҳужжатларни тақдим этмаган бўлса;

- суғурта шартномасининг амал қилиши суғурта ҳодисаси юзага келишидан аввал, жумладан, Ўзбекистон Республикаси Фуқаролик Кодексининг 948 ва 950-моддаларида кўрсатилган асослар бўйича тугаган бўлса;

-суғурта шартномаси Ўзбекистон Республикасининг Фуқаролик Кодексда ёки бошқа қонунларида кўзда тутилган асослар бўйича ҳақиқий бўлмаса;

-Суғурталовчи суғурта шартномасини Ўзбекистон Республикасининг Фуқаролик Кодексда ёки бошқа қонунларида кўзда тутилган асослар бўйича ҳақиқий эмас деб тан олиш тўғрисида судга даъво киритган бўлса;

-Суғурта қилдирувчи (Наф олувчи) суғурта ҳодисасининг ҳолатларини тергов қилишга ёки етказилган зарарнинг миқдорини аниқлашга тўсқинлик қилган бўлса;

- агар суғурта ҳодисаси ҳайдовчи тезлик режимини бузиши оқибатида юзага келган бўлса;

-суғурта ҳодисаси суғурта шартномасида кўрсатилган географик зонадан ташқарида автотранспорт воситасидан фойдаланганда юз берган бўлса.

4.2.2. Қуйидаги шартлардан ҳеч бўлмаса биттаси мавжуд бўлганда юз берган ҳодиса суғурта ҳодисаси бўлмайди.

-ёнида Ўзбекистон Республикасининг амалдаги қонунчилигига мувофиқ ушбу автотранспорт воситасини ва/ёки ушбу тоифали автотранспорт воситасини бошқариш ҳуқуқини тасдиқловчи ҳужжати бўлмаган ва/ёки йўл варақасида кўрсатилмаган Суғурта қилдирувчининг (Наф олувчининг) суғурталанган автотранспорт воситасини бошқариши.

4.2.3. Агар суғурта ҳодисаси қуйидагилар оқибатида юзага келган бўлса, Суғурталовчи суғурта товонини ва суғурта суммасини тўлашдан озод этилади:

-автотранспорт воситасидан бошқаришга ўргатиш мақсадида ёки мусобақаларда ва синовларда иштирок этиш, фойдаланиш;

-ядровий портлаш, радиация ёки радиоактив тарқалиш таъсир этиши;

-ҳарбий ҳаракатлар, маневрлар ёки бошқа ҳарбий чора-тадбирлар.

4.3. Суғурта қилдирувчи/Наф олувчи мазкур суғурта шартномаси бўйича белгиланган ўз мажбуриятларини бажармаган тақдирда Суғурталовчи суғурта шартномаси бўйича қўрилган зарарни тўламаслик ҳуқуқига эга.

V. СУҒУРТА ҚИЙМАТИ, СУҒУРТА СУММАСИ, ФРАНШИЗА МИҚДОРИ, СУҒУРТА МУКОФОТИ, УНИ ТўЛАШ ШАКЛИ ВА ТАРТИБИ.

5.1. Гаровга қўйилаётган автотранспорт воситасининг суғурта қиймати 1-иловада кўрсатилган.

5.2. Мазкур шартнома бўйича гаровга қўйилаётган автотранспорт воситасининг суғурта суммаси 1-иловада кўрсатилган.

5.3. Мазкур шартнома бўйича умумий суғурта мукофоти (бадал) 1-иловада кўрсатилган.

5.4. Суғурта мукофоти Суғурта қилдирувчи томонидан бир йўла нақд пул, пул ўтказиш йўли билан мазкур шартнома имзоланганидан кейин уч банк куни ичида тўланади.

5.5. Суғурта полиси суғурта мукофоти Суғурталовчининг ҳисоб рақамига келиб тушганидан кейин 5 (беш) банк куни ичида берилади, нақд пул билан тўланганда ўша вақтнинг ўзида берилади.

5.6. Суғурта полиси суғурта мукофотининг туланган қисми/траншига мутаносиб бўлган муддатга берилади.

5.7. Мазкур шартнома бўйича барча ўзаро ҳисоб-китоблар Ўзбекистон Республикаси миллий валютасида (сўмда) амалга оширилади.

5.8. Ҳар бир суғурта ҳодисаси бўйича ва ҳар бир автотранспорт воситаси бўйича шартсиз франшизанинг миқдори ҳар бир автотранспорт воситасининг суғурта суммасидан 0,0 (ноль) % ни ташкил этади.

5.9. Агар суғурта ҳодисаси тўлаш муддати ўтказиб юборилган навбатдаги суғурта бадали тўланишидан олдин юз берган бўлса, суғурталовчи мазкур суғурта шартномаси бўйича тўланиши лозим бўлган суғурта товони миқдорини суғурта мукофотининг ўзига тўланган қисмига мутаносиб суммада чеклашга ва муддати ўтказиб юборилган суғурта бадали суммасини ҳисобга олишга ҳақли.

VI. СУҒУРТА ШАРТНОМАСИНИНГ АМАЛ ҚИЛИШ МУДДАТИ.

6.1. Мазкур суғурта шартномаси 1-иловада кўрсатилган муддатга тузилган.

6.2. Суғурталовчининг жавобгарлиги суғурта мукофоти (транши/қисми) Суғурталовчининг ҳисоб рақамига келиб тушгандан бошланади ва суғурта полисида кўрсатилган муддатда амал қилади.

6.3. Суғурталаш муддати суғурта полисида қайд этилади.

6.4. Кредит шартномаси узайтирилганда, суғурталаш даври қўшимча суғурта мукофотини тўлаш шартли билан узайтирилади.

6.5. Агар Суғурта қилдирувчи Наф олувчининг олдидаги қарзни қоплаш бўйича ўз мажбуриятларини муддатидан илгари тўлиқ ҳажмда бажарган бўлса, суғурта шартномаси суғурталаш даври тугагунча амал қилади ва Суғурта қилдирувчи мазкур шартноманинг шартлари бўйича Наф олувчи бўлиб қолади.

VII. СУҒУРТА ШАРТНОМАСИНИНГ ТўХТАТИЛИШИ ВА БЕКОР ҚИЛИНИШИ.

7.1. Ҳар бир томон Суғурта шартномасини исталган пайтда, бошқа томонни охириги манзили бўйича юборилган хат билан, тахминий бекор қилиш санасидан кечи билан ўттиз кун аввал хабардор қилган ҳолда,

бекор қилиш ҳуқуқига эга.

7.2. Суғурта шартномасининг амал қилиши қуйидаги ҳолларда тўхтатилади:

- Унинг амал қилиш муддати тугаганда;
- Суғурталовчи ўзининг шартнома бўйича мажбуриятларини тўлиқ ҳажмда бажарганда;
- Шартнома томонлардан бирининг талабига кўра бекор қилинганда;
- Суғурта қилдирувчининг талабига (ташабусига) биноан Суғурталовчи суғурталаш шартларини бузганда;

- Суғурталовчининг ёки юридик шахс бўлган Суғурта қилдирувчининг Ўзбекистон Республикасининг қонунчилиги билан белгиланган тартибда тугатилганда;

- суд суғурта шартномасини ҳақиқий эмас деб тан олиш тўғрисида қарор қабул қилган бўлса;
- Ўзбекистон Республикасининг қонунчилигида кўзда тутилган бошқа ҳолатларда.

7.3. Агар Суғурта қилдирувчи/Наф олувчи суғурта шартномаси шартларига мувофиқ суғурта мукофотининг навбатдаги қисми (транши)ни ўз вақтида тўламаган бўлса, мазкур суғурта шартномаси Суғурталовчи томонидан бир тарафлама бекор бўлган ҳисобланади ва Суғурталовчи ушбу суғурта шартномаси бўйича жавобгарлик олиб бормади.

7.4. Суғурта шартномаси, агар у кучга кирганидан кейин суғурта ҳодисаси юз бериши эҳтимоли йўқолган ва суғурта хавфининг мавжуд бўлиши суғурта ҳодисасидан бошқа ҳолатлар бўйича тугаган бўлса, тузилган муддати келишидан олдин бекор бўлади ва тўланган суғурта мукофоти қайтарилмайди.

7.5. Агар суғурта шартномаси тузилганидан кейин Суғурта қилдирувчи Суғурталовчига била туриб ҳолатлар тўғрисида ёлғон маълумот берганлиги аниқланса, Суғурталовчи шартномани ҳақиқий эмас деб тан олишни талаб қилишга ҳақлидир.

VIII. ТОМОНЛАРНИНГ ҲУҚУҚЛАРИ ВА МАЖБУРИЯТЛАРИ.

8.1. Суғурта қилдирувчи қуйидаги ҳуқуқларга эга:

8.1.1. Суғурта шартномасининг бутун амал қилиши давомида Суғурталовчидан суғурта қилиш масалалари бўйича маслаҳатлар олиш.

8.1.2. Суғурта ҳодисаси юзага келганда Суғурталовчидан белгиланган тартибда суғурта товонини олиш.

8.1.3. Суғурта ҳодисаси юзага келганда мустақил экспертиза ўтказилишини талаб қилиш.

8.1.4. Автотранспорт воситасига ўрнатилган қўшимча жиҳоз-ускуналарни қўшимча суғурта қилишни амалга ошириш.

8.1.5. Суғурталовчи/Наф олувчи билан келишувга биноан, суғурта шартномасига қўшимча битимни имзолаш йўли билан ўзгартиришларни ва/ёки қўшимчаларни киритиш.

8.1.6. Суғурталовчини/Наф олувчини албатта хабардор қилган ҳолда суғурта шартномасини муддатидан илгари бекор қилиш.

8.2. Суғурта қилдирувчи қуйидагиларга мажбур:

8.2.1. Суғурталовчи талаб қилган ҳужжатларни, жумладан гаров шартномасини тақдим этиш.

8.2.2. Суғурта мукофотини суғурта шартномасида белгиланган муддатларда тўлаш.

8.2.3. Суғурталовчига суғурталаш объекти тўғрисида тўлиқ ва ҳаққоний ахборотни бериш.

8.2.4. Суғурта шартномасининг амал қилиши даврида Суғурта қилдирувчи ёки Наф олувчи уларга маълум бўлиши билан дарҳол, лекин кўпи билан 5 банк кун ичида, Суғурталовчига суғурта объектига тегишли бўлган барча жиддий ўзгаришлар тўғрисида, агар ушбу ўзгаришлар суғурта қилиш таваккалчилигининг ортишига жиддий таъсир этиши мумкин бўлса, жумладан қуйидагилар ҳақида хабар бериши шарт:

- суғурталанган автотранспорт воситасини ва (ёки) унинг қўшимча жиҳоз-ускуналари ва анжомларини ижара (прокат) шартномаси бўйича топшириш;

- автотранспорт воситасига бўлган мулк ҳуқуқининг бошқа шахсга ўтиши;

- аризада кўрсатилган ундан фойдаланиш мақсадларининг ўзгариши;

- қўшимча газ жиҳоз-ускуналарини ўрнатиш;

- автотранспорт воситасини ЙХХБ органларида рўйхатдан олиш ёки қайта рўйхатдан ўтказиш;

- суғурталанган автотранспорт воситаси учун рўйхат ҳужжатлари, автотранспорт воситасининг калитлари, сигнализацияни бошқариш пульти, рўйхат (рақам) белгиларининг йўқотилиши ёки ўғирланиши.

Суғурта таваккалчилигининг ортишига олиб келувчи ҳолатлар тўғрисида хабардор этилган Суғурталовчи, таваккалчилик даражасининг ортишига мутаносиб қўшимча суғурта мукофотини тўлашни талаб қилиш ҳуқуқига эга. Бу ҳолатда Суғурта қилдирувчи қўшимча суғурта мукофотини тўлашни рад этса, шартнома бекор қилинган деб ҳисобланади.

8.2.5. Суғурта объектларини кўздан кечириш учун имконият бериш.

8.2.6. Суғурталанган автотранспорт воситаси билан мазкур суғурта шартномасининг 3.1. бандида кўрсатиб ўтилган таваккалчиликлар содир бўлганда Суғурта қилдирувчи/Наф олувчи:

а) зудлик билан, имкони туғилиши билан, лекин ҳодиса юзага келиши пайтидан кўпи билан 24 соат ичида, Суғурталовчига ёки унинг вақилига ҳодиса жойини аниқ кўрсатган ҳолда билдириш. Билдиришдан кейин 72 (етмиш икки) соат ичида Суғурта қилдирувчи/Наф олувчи Суғурталовчига ҳодисанинг сабаблари ва

ҳолатлари баён этилган хабарномани ёзма шаклда (факс ёки бошқа шаклда) юбориши лозим;

б) зудлик билан юз берган воқеа тўғрисида ҳуқуқни муҳофаза қилиш органларига хабар бериш;

в) Суғурталовчига тергов органлари томонидан тасдиқланган ушбу ҳодиса бўйича жиноий ишнинг қўзғатилиши ёки тўхтатилиши тўғрисида, ёки ишни судга жўнатиш тўғрисидаги қарорларининг нусхаларини тақдим этиш;

г) Суғурталовчига шикастланган автотранспорт воситасини кўздан кечириш учун тақдим этиш, автотранспорт воситасининг барча шикастланган қисмларининг фотосуратларини олиш ёки видео суратга олиш, Суғурталовчи билан автотранспорт воситасини таъмирлаш ишларини бажариш бошланишигача ўзининг кейинги ҳаракатларини келишиб олиш;

д) Суғурталовчига барча ишлар, эҳтиёт қисмлар ва материаллар рўйхати кўрсатилган таъмирлашни бажариш учун калькуляцияларнинг нусхаларини тақдим этиш;

е) Суғурталовчига тергов органлари томонидан тасдиқланган ушбу ҳодиса бўйича жиноий ишнинг қўзғатилиши ёки тўхтатилиши тўғрисида, ёки ишни судга жўнатиш тўғрисидаги қарорларининг нусхаларини тақдим этиш;

ж) Суғурталовчининг талабига асосан суғурта ҳодиса билан боғлиқ бўлган бошқа ҳужжатлар.

8.2.7. Суғурталовчига суғурта шартномасининг амал қилиши даври мобайнида суғурталанган автотранспорт воситасининг ҳолатини, шунингдек Суғурта қилдирувчи томонидан автотранспорт воситаси тўғрисида билдирилган маълумотларнинг тўғрилигини текшириш имконини бериш.

8.2.8. Суғурталовчи томонидан суғурта товони тўлаб берилиши мажбурияти юзага келганда ва ушбу суғурта товони мустақил баҳолаш ташкилоти томонидан берилган хулосасига асосан шикастланган автотранспорт воситасининг эҳтиёт қисмларини алмаштирилиши ҳаражатларини қоплаши кўзда тутилган бўлса, Суғурта қилдирувчи автотранспорт воситасининг алмаштирилган эҳтиёт қисмларини Суғурталовчининг ихтиёрига тақдим этиш

8.3. Суғурталовчи қуйидаги ҳуқуқларга эга:

8.3.1. Суғурта шартномасининг амал қилиши даврида суғурталанган автотранспорт воситасининг ҳолатини ва қийматини, шунингдек Суғурта қилдирувчи томонидан автотранспорт воситаси тўғрисида билдирилган маълумотларнинг тўғрилигини текшириш.

8.3.2. Суғурта қилдирувчидан суғурта ҳодисаси тўғрисидаги ёзма хабарномани кутмай, суғурта ҳодисаси билан етказилган зарарларни кўриб чиқишга ва баҳолашга киришиш.

8.3.3. Суғурта ҳодисаси юзага келганда таваккалчиликнинг даражасини тавсифлайдиган қўшимча ҳужжатларни талаб қилиш.

8.3.4. Суғурта ҳодисаси юзага келганлиги ҳолатини ва сабабларини тасдиқловчи тўлиқ маълумот ва керакли ҳужжатлар олинишигача, шунингдек ҳодиса юзага келиши ҳолати бўйича жиноий иш қўзғатилиши ҳолатида - ваколатли органлар томонидан тегишли қарор қабул қилиниши пайтигача суғурта товонини тўлашни кечиктириш.

8.3.5. Агар у суғурта таваккалчилигининг ортишига олиб келувчи ҳолатлар тўғрисида хабардор этилган бўлса, ўзаро қўшимча битимни имзолаш орқали суғурта шартномасининг шартларини ўзгартириш ёки суғурта шартномасини бекор қилиш.

8.3.6. Суғурталовчи томонидан суғурта товони тўлаб берилиши мажбурияти юзага келганда ва ушбу суғурта товони мустақил баҳолаш ташкилоти томонидан берилган хулосасига асосан шикастланган автотранспорт воситасининг эҳтиёт қисмларини алмаштирилиши ҳаражатларини қоплаши кўзда тутилган бўлса, Суғурта қилдирувчидан автотранспорт воситасининг алмаштирилган эҳтиёт қисмларини қабул қилиб олиш.

8.4. Суғурталовчи қуйидагиларга мажбур:

8.4.1. Суғурта полисини ушбу шартномада белгиланган муддатда бериш.

8.4.2. Барча керакли ҳужжатлар олинишидан ва суғурта ҳодиса юзага келганлиги ҳолати эътироф этилганидан кейин 10 кунлик муддатда суғурта товонини тўлаш.

8.4.3. Суғурта қилдирувчи, Наф олувчи билан муносабатларда махфийликни таъминлаш.

8.4.4. Суғурта товонини тўлашдан аввал Наф олувчини бу ҳақда ёзма огоҳлантириш.

8.5. Наф олувчи қуйидаги ҳуқуқларга эга:

8.5.1. Суғурта товони суммасидан ўз талабларини устувор тарзда, лекин Суғурта қилдирувчининг қарз бўйича Наф олувчининг олдида қарздорлиги суммасидан ошмаган ҳолда қондириш.

8.6. Наф олувчи қуйидагиларга мажбур:

8.6.1. Суғурталовчини кредит шартномасининг узайтирилиши тўғрисида, шунингдек Суғурта қилдирувчи томонидан кредитнинг муддатидан илгари қопланиши тўғрисида хабардор этиш.

IX. СУҒУРТА ТОВОНИНИ ТўЛАШ ТАРТИБИ ВА ШАРТЛАРИ.

9.1. Мазкур шартнома бўйича суғурта қилдирувчи суғурта ҳодисаси юз бергани ўзига маълум бўлганидан кейин бу ҳақда дарҳол (72 соат ичида) Суғурталовчини ёки унинг вакилини хабардор қилиши шарт. Ушбу мажбуриятнинг бажарилмаслиги Суғурталовчига, агар суғурталовчи суғурта ҳодисаси юз берганини ўз

вақтида билганлиги, ёхуд бу ҳақда суғурталовчида маълумотлар йўқлиги унинг суғурта товонини тўлаш мажбуриятига таъсир этмаслиги исботланмаса, суғурта товонини тўлашни рад этиш ҳуқуқини беради (ЎЗР ФК нинг 951-моддаси).

9.2. Ҳодиса тўғрисидаги аризада Суғурта қилдирувчи қуйидагиларни кўрсатади:

- ҳодисанинг санаси ва тафсилотлари;

- ҳодиса юзага келганда Суғурта қилдирувчининг амалга оширган ҳаракатлари;

- шикастланган мазкур автотранспорт воситасининг бошқа суғурта шартномалари асосида суғурталанганлиги ёки йўқлиги тўғрисида;

- учинчи шахслардан олинган зарар компенсациясининг миқдори.

9.3. Аризага мазкур суғурта шартномасининг 8.2.6. бандида кўрсатиб ўтилган ҳужжатлар илова қилинади.

9.4. Суғурталовчи суғурта ҳодисасининг ҳолатларига боғлиқ ҳолда қўшимча маълумот ва ҳужжатларни талаб қилишга ҳақлидир. Такдим этилган ҳужжатларнинг асл нусхалари нусха олинганидан кейин Суғурта қилдирувчига қайтариб берилади.

9.5. Суғурта қилдирувчининг аризаси берилганидан кейин 3 кунлик муддатда Суғурталовчи томонидан Суғурта қилдирувчининг иштирокида шикастланган автотранспорт воситасини кўздан кечириш далолатномаси тузилади.

9.6. Томонлар ўртасида зарарнинг сабаблари ва миқдори юзасидан низо юзага келган ҳолда, мустақил экспертиза ўтказилиши мумкин.

9.7. Суғурта ҳодисаси тўғрисида далолатнома барча керакли ҳужжатлар олинганидан ва Суғурталовчи томонидан тегишли қарор қабул қилинганидан кейин тузилади. Уни тузиш учун Суғурталовчи, зарур бўлганда, суғурта ҳодисаси билан боғлиқ бўлган маълумотларни ҳуқуқни муҳофаза қилиш органларидан ва суғурта ҳодисасининг ҳолатлари тўғрисида маълумотга эга бўлган бошқа муассасалардан сўраб олади, шунингдек суғурта ҳодисасининг сабабларини ва ҳолатларини мустақил аниқлаш ҳуқуқига эга.

9.8. Суғурта ҳодисаси тўғрисида далолатнома барча керакли ҳужжатлар олинганидан кейин тузилади. Уни тузиш учун Суғурталовчи, зарур бўлганда, суғурта ҳодисаси билан боғлиқ бўлган маълумотларни ҳуқуқни муҳофаза қилиш органларидан ва суғурта ҳодисасининг ҳолатлари тўғрисида маълумотга эга бўлган бошқа муассасалардан сўраб олади, шунингдек суғурта ҳодисасининг сабабларини ва ҳолатларини мустақил аниқлаш ҳуқуқига эга.

9.9. Суғурта ҳодисасининг ҳолатларини тергов қилиш учун, Суғурталовчи ёки Суғурта қилдирувчи мустақил экспертларни жалб қилиш ҳуқуқига эга. Экспертиза ҳулосаси суғурта товонини тўлаш суммасини ўзгартириш учун асос бўлади.

9.10. Суғурта товони суммасига шунингдек (тасдиқловчи ҳужжатлар мавжуд бўлганда) Суғурта қилдирувчининг калькуляцияни тузиш ва фото (видео) суратга олиш учун харажатлари киритилади.

Суғурта товони миқдори суғурта шартномасида/полисида белгиланган суғурта суммасидан ошмаслиги лозим.

Суғурта товони суммасига киритилмайди:

-ишлаб чиқарувчи завод томонидан чиқарилган брак;

-автотранспорт воситасига техник хизмат кўрсатиш ва кафолатли таъмирлаш қиймати;

-автотранспорт воситасининг реконструкцияси, унинг қисмларини, деталлари ва анжомларини эскирганлиги, техник брак ва ҳоказолар туфайли таъмирлаш (алмаштириш) билан боғлиқ бўлган ишларнинг қиймати

Суғурта товонини тўлаш автотранспорт воситасининг алмаштирилиши лозим бўлган эҳтиёт қисмларининг табиий эскиришини ҳисобга олган ҳолда (табиий эскириш суммаси айирилган ҳолда) амалга оширилади.

9.11. Агар суғурта ҳодисаси юзага келишига сабаб бўлган ҳолатлар бўйича жиноий иш кўзга тилган ёки суд процесси бошланган бўлса, суғурта товони тўғрисида қарор қабул қилиш тергов ёки судда иш кўрилиши тугагунча кечиктирилиши мумкин.

9.12. Агар автотранспорт нобуд бўлиши ёки шикастланиши жиноят оқибатида юз берган бўлса, ва шу туфайли айбдор шахсга нисбатан жиноий иш кўзга тилган бўлса, суғурта товони Суғурта қилдирувчига тергов қилиш даврида ёки у тугаганда тўланиши мумкин, бунда айбдор шахсга нисбатан қўйилган регресс даъвоси, суд томонидан жиноий ишнинг кўрилиши давомида кўриб чиқилиши имконияти бўлиши лозим.

9.13. Суғурта товони Суғурталовчи томонидан у барча керакли ҳужжатлар олганидан ва суғурта ҳодисаси эътироф этилганидан кейин 10 кунлик муддатда тўланади.

9.14. Барча ҳолларда суғурта товони суғурта шартномасида/полисида белгиланган шартсиз франшиза суммаси айирилган ҳолда ҳисобланади.

9.15. Суғурта шартномаси бўйича суғурта суммасидан камроқ суғурта товони тўланган ҳолда шартнома ўз муддатининг охиригача, шартномада белгиланган суғурта суммаси ва тўланган суғурта товони ўртасидаги фарқ миқдорида ўз кучини сақлаб қолади.

9.16. Суғурта қилдирувчи, агар зарар тўлиқ қопланган бўлса ёки суғурта товони суднинг қарорига кўра

	ГАРОВГА ҚЎЙИЛАЁТГАН АВТОТРАНСПОРТ ВОСИТАЛАРИНИ СУҒУРТА ҚИЛИШ БОШ ШАРТНОМАСИ	SEMURG insurance online
ISO 9001:2015		Бет 7

зарар етказилишига айбдор бўлган шахс томонидан амалга оширилса, суғурта товонини олиш ҳуқуқидан маҳрум бўлади.

9.17. Агар Суғурта қилдирувчи ёки Наф олувчи айбдор ёки учинчи шахслардан зарарни қоплаш бўйича суммани олса, Суғурталовчи фақат суғурталаш шартларига кўра тўланиши лозим бўлган сумма ва айбдор ёки учинчи шахслардан олинган сумма орасидаги фарқни тўлайди.

9.18. Суғурталовчининг суғурта товонини ёки суғурта пулини тўлашни рад этиш тўғрисидаги қарори суғурта қилдирувчига (наф олувчига) улар суғурта товонини ёки суғурта пулини тўлашни сўраб мурожаат этганларидан кейин ўн беш кундан кечиктирмай хабар қилиниши ва рад этиш сабабларининг асослангирилган далил-исботларини ўз ичига олган бўлиши лозим.

9.19. Суғурталовчининг суғурта товонини ёки суғурта суммасини тўлашни рад этиш қарори устидан, унга судда даъво билдириш йўли билан шикоят қилиниши мумкин.

9.20. Суғурта товонини тўлаш:

9.20.1. Суғурта қилдирувчи, Наф олувчини суғурта товонининг тўланиши лозим бўлган миқдори тўғрисида ёзма тарзда хабардор этилган ҳолда амалга оширилади. Наф олувчи суғурта товони суммасидан ўз талабларини устувор қондириш ҳуқуқига эга. Бунда Наф олувчи Суғурта қилдирувчининг Наф олувчи олдида кредит бўйича қарздорлигидан ошмаган миқдорда суғурта товонини олиш ҳуқуқига эга, суғурта товонининг қолган қисми эса Суғурта қилдирувчининг зарарларини қоплаш харажатларини қоплаш учун йўналтирилади.

9.20.2. Суғурта товони аризада кўрсатилган Наф олувчининг банк ҳисобрақамига пул маблағларини ўтказиш йўли билан амалга оширилади.

9.21. Суғурта товонини тўлаган Суғурталовчига Суғурта қилдирувчининг (Наф олувчининг) суғурталаш натижасида қоплаб бериладиган зарарлар учун жавобгар шахсга нисбатан талаб қилиш ҳуқуқи унинг тўлаган суммаси доирасида ўтади. Суғурта қилдирувчининг ходимларига талаб қўйилмайди. Лекин Шартноманинг қасддан зарар етказган шахсга нисбатан талаб қилиш ҳуқуқи Суғурталовчига ўтишини истисно этувчи шартлари ҳақиқий бўлмайди.

9.22. Суғурта қилдирувчи ёки Наф олувчи Суғурталовчига Суғурталовчи томонидан унга ўтган талаб қилиш ҳуқуқини амалга ошириши учун зарур бўлган барча ҳужжатларни ва исботларни бериши ва унга барча керакли маълумотларни тақдим этиши шарт.

9.23. Агар Суғурта қилдирувчи ёки Наф олувчи ўзининг Суғурталовчи томонидан қопланган зарарлар учун жавобгар бўлган шахсга нисбатан талаб қилиш ҳуқуқидан воз кечган бўлса ёки Суғурта қилдирувчининг ёки Наф олувчининг айби билан ушбу ҳуқуқни амалга ошириш мумкин бўлмай қолса, Суғурталовчи суғурта товонини тўлашдан тўлиқ ёки тегишли қисмида озод этилади ва ортиқча тўланган товон суммасини қайтарилишини талаб қилишга ҳақли бўлади.

9.24. Суғурталовчи томонидан суғурта товони тўлаб берилиши мажбурияти юзага келганда ва ушбу суғурта товони мустақил баҳолаш ташкилоти томонидан берилган хулосасига асосан шикастланган автотранспорт воситасининг эҳтиёт қисмларини алмаштирилиши харажатларини қоплаши кўзда тутилган бўлса, Суғурта қилдирувчи автотранспорт воситасининг алмаштирилган эҳтиёт қисмларини Суғурталовчининг ихтиёрига тақдим этади. Агар Суғурта қилдирувчи шикастланган автотранспорт воситасининг алмаштирилган эҳтиёт қисмларини Суғурталовчининг ихтиёрига тақдим этмаса ва/ёки тақдим этишдан бош тортса, Суғурталовчи автотранспорт воситасининг эҳтиёт қисмларини янгилаш учун ҳисобланган харажат суммасини суғурта товонидан чегириб қолади.

9.25. Агар суғурта товони тўланганидан кейин Суғурта қилдирувчига ўғирланган автотранспорт воситаси ёки унинг қисмлари, деталлари, анжомлари қайтарилган бўлса, Суғурта қилдирувчи ўғирлаш билан боғлиқ бўлган таъмирлашнинг қиймати айирилган ҳолда суғурта товонини қайтариши шарт.

Ушбу суғурта товони Суғурта қилдирувчи томонидан унга ўғирланган автотранспорт воситаси (унинг қисмлари, деталлари ёки анжомлари) қайтарилганидан кейин кўпи билан 3 ой ичида қайтарилиши лозим. Суғурта қилдирувчи бу талабни бажармаган ҳолда, Суғурталовчи суд органларига даъво киритади.

Суғурта қилдирувчи ушбу бандда кўзда тутилган ҳолда суғурта товонини қайтарганда, шартнома суғурта полисида кўрсатилган муддатнинг охиригача, шартномада белгиланган суғурта суммаси ва тўланган суғурта товони ўртасидаги фарқ миқдоридан, Суғурта қилдирувчининг қайтарган суммасини ҳисобга олган ҳолда амал қилиши давом этади.

X. ТОМОНЛАРНИНГ ЖАВОБГАРЛИГИ.

10.1. Ўз зиммасига олинган мажбуриятларнинг бажарилмаслиги ёки тегишлича бажарилмаслиги учун томонлар Ўзбекистон Республикасининг амалдаги қонунчилигига мувофиқ жавобгар бўлади.

10.2. Агар томонларнинг ушбу шартнома бўйича ўз мажбуриятларини бажармаслиги енгиб бўлмайдиган кучдаги (форс-мажор) ҳолатлар туфайли юзага келган бўлса, улар жавобгарликдан озод қилинади. Енгиб бўлмайдиган кучдаги ҳолатлар таъсирига учраган томон бошқа томонни ушбу ҳолатларнинг юзага келганлиги ва эҳтимолий давом этиш муддати тўғрисида зудлик билан огоҳлантириши лозим.

XI. БОШҚА ШАРТЛАР.

11.1. Суғурта шартномаси бўйича ҳуқуқлар ва мажбуриятларнинг учинчи шахсга ўтказилишига томонларнинг ёзма розилигисиз йўл қўйилмайди.

11.2. Форс-мажор ҳолатлар юзага келган ҳолда, томонларнинг мажбуриятларини бажариши муддати форс-мажор ҳолатлари амал қилган вақтга мутаносиб ҳолда кечиктирилади.

11.3. Мазкур шартномада келтирилмаган барча масалалар бўйича томонлар Ўзбекистон Республикасининг амалдаги қонунчилигига таянади.

XII. НИЗОЛАРНИ ҲАЛ ЭТИШ ТАРТИБИ.

12.1. Суғурта шартномасидан келиб чиқадиган барча низолар қонунчилик билан белгиланган тартибда ҳал этилади.

XIII. ТОМОНЛАРНИНГ ЮРИДИК МАНЗИЛЛАРИ:

* **СУҒУРТАЛОВЧИ:**
“SEMURG INSURANCE” АЖ

Манзил: Тошкент шаҳри, Яшнабод тумани,
Содиқ Азимов кўчаси, 50 уй.
Ҳ/р: 2021 4000 9052 0466 7087
Банк: ХАТБ “DAVR BANK” Олмазор филиали
Банк коди: 01121
СТИР: 307 281 137
Тел.: +998 71 205-11-55

НАФ ОЛУВЧИ:
“DAVR BANK” ХАТБ

Манзил: Тошкент шаҳри, Навоий-Зарқайнар
кўчаси, Блок А.
Ҳ/р: 2980 1000 3000 0098 1776
Банк коди: 00881
СТИР: 203 709 707
Тел.: +998 71 204-40-40

ТОМОНЛАРНИНГ ИМЗОЛАРИ:

СУҒУРТАЛОВЧИ НОМИДАН:

Бош директор
Р.К.Кадиров

ИМЗО



НАФ ОЛУВЧИ НОМИДАН:

Бошқарув Раиси
А.А.Самадов

ИМЗО

М.ў.



2024 йил «30» июлдаги
25-23-241097-сонли Гаровга
қўйиладган автотранспорт
воситаларини суғурта қилиш бош
шартномасининг 1-илоvasи

ДЕКЛАРАЦИЯ

I. БЎЛИМ. КРЕДИТ ТЎҒРИСИДА МАЪЛУМОТЛАР:				
1.1.	Кредит шартномаси рақами:			
1.2.	Кредит шартномаси санаси:			
1.3.	Кредит шартномаси суммаси:			
II. БЎЛИМ. АВТОТРАНСПОРТ ВОСИТАСИ ҲАҚИДА МАЪЛУМОТЛАР:				
	Гаровга қўйиладган автотранспорт воситасининг номи ва Кузов рақами	Автотранспорт воситасининг техпаспорт рақами ва давлат рақами)	Автотранспорт воситасининг суғурта қиймати, сўм	Автотранспорт воситасининг суғурта суммаси, сўм
2.1.				
2.2.				
.....				
Жами:				
III. УМУМИЙ МАЪЛУМОТЛАР:				
3.1.	Автотранспорт воситасининг умумий (жами) суғурта қиймати, сўм			
3.2.	Автотранспорт воситасининг жами (умумий) суғурта суммаси, сўм			
3.3.	Шартнома бўйича жами (умумий) суғурта мукофоти:			
3.4.	Тўланган суғурта мукофоти:			
Суғурта қилдирувчи ушбу декларацияда хабар қилинган маълумотлар ҳаққонийлигини ҳамда суғурта шартномаси тузиш ва имзолаш учун асос бўла олишини тасдиқлайди. Шу билан биргаликда, Суғурта қилдирувчи суғурта шартномаси билан танишганлиги ва суғурта шартларига розилиги тасдиқлайди.				

ТОМОНЛАРНИНГ ИМЗОЛАРИ:
СУҒУРТАЛОВЧИ
номидан

СУҒУРТА ҚИЛДИРУВЧИ
номидан

НАФ ОЛУВЧИ
номидан

 ИМЗО м.ў.

 ИМЗО м.ў.

 ИМЗО м.ў.



ГАРОВГА ҚЎЙИЛАЁТГАН АВТОТРАНСПОРТ ВОСИТАСИНИ СУҒУРТА ҚИЛИШ ПОЛИСИ

“SEMURG INSURANCE” АЖ, 2024 йил 30 июлдаги №25-23-241097– сонли гаровга қўйиладиган автотранспорт воситасини суғурта қилиш бош шартномасида кўрсатилган таваккалчиликлардан суғурта ҳимоясини тақдим этади:

1.	Суғурта қилдирувчи:	
2.	Наф олувчи:	
3.	Умумий суғурта қиймати:	_____ (_____) сум.
4.	Умумий суғурта суммаси:	_____ (_____) сум.
5.	Суғурталанган автотранспорт воситаси:	Гаровга қўйиладиган автотранспорт воситасини суғурта қилиш шартномасининг 1-иловасида кўрсатилган
6.	Суғурта даври:	20__ й. «__» _____ дан 20__ й. «__» _____ соат 24.00 гача амал қилади.
7.	Суғурта мукофоти:	_____ (_____) сум.
8.	Суғурта мукофоти тўланган сана:	«__» _____ 20__ г.

Суғурталовчи номидан:

(имзо) м.ў.

Берилган сана: 20__ й. «__» _____

